



თეატრი სხოვნება

გათავადი სალიტერატურო ჟურნალი

მისამართი 27 მარტი თბილისი
№ 13 — 1916 10

წელიწადი
მ ე ო თ ხ ე

მისილება ხელს მისწავლა 1916 წ. შპრ.
თეატრი და ცხოვრება
წელიწადი მეოთხე. (იხ. მე-4 გვ.)



მამხადიან ჭარტველთა დეკუბაციის თეილისში



მის. კავსადის გუნდი.

„ახალი კლუბი“

ოთხშაბათს, 30 მარტს

ქართ. ღრამ. საზოგადოების გაგებობა

თავის ნივთიერ მდგომარეობის გასაუმჯობეს. გამართავს

ს ა ღ ა მ ო ს

შემდეგის პროგრამით:

1 რაც გინახავს — ველარ ნახავ

ირველი მოკმ. ქ. ანდრონიკაშვილის მონაწილეობით

2 რუსული მინიატურა

ქ. ვასილნიკოვას მონაწილეობით

3 ქორეოგრაფიული გან-
ყოფილება — ბალეტი

4 საკონცერტო განყოფ.

რუსულ ოპერის საუკეთესო ძალთა მონაწილე.

კ — ბ — უ — რ — ე

მონაწილეები: გრ. რობაქიძე, ალ. ყანჩელი, ბ. გოგიაშვილი, ლევ. პიშნოვი, მ. ქიაურელი და სხვ.
ქართული და ევროპ. ცეკვა. კოსკები, ფოსტა, პტი-შეო, შამპანიური, ყვავილები, კონფეტი და სხვ.

3 ჯილდო საუკეთესო ერთგულ ტანსამოსისთვის



კომპ. კ. ფოცხვერაშვილი

ირას, 27 მარტს, საარტ. საზ. დარბაზში პირველად
ჩრთავს ქართულ სიტყვა-მუსიკობას. სიტყვის შინა-
სი: სიმღერა-გალობა და მისი ჰარმონია-კონტრა-
პუნქტურა.

მკვლის სტრიქონები

(მ ი ნ ი ა ტ უ რ ე ბ ი)

Скучно на этомъ свѣтѣ господа.
Гоголь.

ი ა .

და ჯერ კიდევ გაზაფხული ებრძვის ზამ-
არს, და ჯერ კიდევ თოვლის რიდე ახვევია
გვლივ მთა-ბარს, ჩემს ბაღში კი ამ დილით
თვე ია გადაშლილი. ცრემლებს იგი დაე-
ხმა, იყო მორცხვად თავდახრილი. მსურდა
ჩემლი მომეწმინდა და შევახე ხელი იას,
გრამ ცრემლთან თვით ყვავილიც მოსწყდა
ორტზე. და ჩემს ხელში ფერ-მიხდილი გა-
შორა ის სიცოცხლეს.

საფლავად ამ ყვავილისთვის მე ეს წიგ-
ნავარჩიე და ცრემლების ნაცვლად ირგვლივ
ღნის სითხე დავაქციე. და ხომ ხელავ იის
გვლივ რამოდენი სტრიქონები დაიწერა?
იკითხე, თუ გსურს მიხვდე გული სევდით
მ დასერა.

თ ა ი გ უ ლ ი .

დაასრულე თუ არა ლექსს, და დარბაზ-
შიქნება ტაშის ცემა, მოვალ მაშინ სცე-
ახლო და გადმოგცემ ყვავილთ კონას.
გულში ბარათს ნახავ, წაიკითხე და შიგ-
ნებ ჩემი სულის ამოცანას.

დამპირდა და აღასრულა.

და ბარათიც ასე მოწმობს: დაღვრემილი

შენი სახე ვერ აღელვებს ვნებით ჩემ გულს,
იყავ გიჟი, იყავ ლალი და მოგიძღვნი სულ
მთლად ჩემს სულს.

დღეს ის ქალი უფრო ლამაზ თაიგულით
მიჩქარის ქიდაობის საყურებლად, და როდეს-
საც ძლიერი სუსტს დაამარცხებს, დასცემს
უძლიურს, ეს ასული მძლავრ ფალავანს გაუწო-
დებს თვის თაიგულს.

და ხვალ კიდევ, ვინ იცის რომ ყვავილთ
კონას არ მიუძღვნის ვიღაც თავხედს? და ამ
რიგად ვიდრე ბაღში სულ არ დაჰკრფეს ვარდ-
ყვავილებს, სურნელოვან თაიგულებს არავის-
თვის დაიშურებს.

ეჰ, ნუ სწყუხარ, სულო ჩემო, ასე უყ-
ვართ ამ გვარ ქალებს.

მ გ ო ს ნ ი ს ბ ე დ ი .

საკვირველი იყო ის გრძნობა, რომელ-
საც ნაცნობნი განიცდიდენ ამ დღეს მის და-
ნახვაზე.

მწარე ფიქრებით დამძიმებული მიდიოდა
ის...

— ეს შენა ხარ, ჩემო მგოსანო?

გაიფიქრა ახალგაზდა ასულმა მის დანახ-
ვაზე. ძლიერ გტანჯავს დაუცხრომელი ვნება?
მოკვდი, სიამოვნებით დავაფრქვევ ცრემლებს
შენს საფლავზე და ვიტყვი თავმომწონედ:
„მე მას ვუყვარდი“.

— ჰა ტარიგი წმინდა? ჰა სიმშლის
მსხვერპლი.

მწუხარედ წარმოსთქვა მგოსნის დანახვა-
ზე მისმა მეგობარმა.

სულით დაღლილი, მწარე ფიქრებით და-
მძიმებული, სიმშლით განაწამები მიდიოდა
ის, უახროდ, უმიზნოდ დაეხეტებოდა ქუჩი-
დან ქუჩაში და ყოველი ნაბიჯი მისი უახ-
ლოვდებოდა სამარადისო არარობას.

და მის ახლო-მახლო გამვლელ-გამომე-
ლელთ სიამოვნების ღიმილი ეფინებოდათ სა-
ხეზე, როდესაც გაიფიქრებდენ, რომ მალე
იხილავდენ საუცხოვო გასართობს—მგოსნის
დასაფლავებას.

IV შ ე ნ ს ს ა ხ ს ო ვ რ ა დ !

დიღხანს, დიღხანს ვმღეროდი გატაცებით
იმ წარსულ დღეთა მოგონებაზე, რომელმაც
შემდეგ სამარადისო სევდით დატვირთა სული,

გარკონული
უფრო

ჩემს სიყმაწვილეს ვიგონებდი და შვებით მი-
ძგერდა გული.

დიდხანს შემეძლო დავმტკბარიყავ ჩემივ
სიმღერით, რომ შენს შეუსაბამო საქციელს
არ დაერღვია ოცნება ჩემი.

იყავ წყეული! რად უსმენდი ჩემს სიმ-
ღერას, ჩემს გრძნობის თამაშს, ამ ჩემს ოთახ-
ში რად ჩამოაგდე წერილი შენი?

მწერდი: მაცნობე რა მოგიძღვნა ჩემდა
სახსოვრად, არ დავიშურებ არაფერ განძს
ოლონდ მითხარი.

გამოვერკვიე და კვლავ სევდამ მოიკო
სული. ბალის სიღრმეში მოსეირნეს ეს გაღ-
მოგძახე:

— შენს სახსოვრად? შენს სახსოვრად, ჩე-
მო კარგო, მომიძღვენი აბრეშუმის ქსოვილი-
დან დაგრებილი გრძელი თოკი, რომ თუ
ოღესმე კვლავ დამირღვიე სულის სიმწვიდე,
გამომათხიზლე ოცნებით მთვრალი, შევძლო
იმ თოკზე ჩამოვირჩო მე ჩემი თავი.

V ქ ა ლ ი .

— რამ შეგაშფოთა, რად გადმოგეფრქვა
თვალთაგან ცრემლი?

— მას ცოლი შეურთავს!

— ვის! ვინც შენ გიყვარდა?

— არა! ვისაც ვუყვარდი, ვინც სიყვა-
რულს მეფიცებოდა და თანაგრძნობას არ ვუ-
ცხადებდი.

— ეხლა რად სტირი? იქნებ გიყვარდა
და ამ სიყვარულს თვით შენს გრძნობასაც არ
უშეღავენებდი?

— მე ის არას დროს არ მყვარებია, მა-
გრამ იგი მიწყლოლებს სულს, რომ ამ დღის
შემდეგ არ ვეყვარები.

საბრალო ქალო! სამწუხარო ის არის
მხოლოდ რომ მას, ვინც შენს სიყვარულს გე-
ფიცებოდა, არას დროს არ ყვარებიხარ, არას
დროს.

VI ე კ ლ ი ს გ ვ ი რ გ ვ ი ნ ი .

ცხოვრების ველზე მრავალთ ამკობს და-
ფნის გვირგვინი, ეკლის გვირგვინი მხოლოდ
რჩეულთ შემევენის შუბლზე ოჰ, ვის, ვის
ძალუძს თავს დაიდვას ეკლის გვირგვინი?

მახსოვს, თუ ვით შევცქეროდი, როგორ
მიჰყავდათ ისინი გოლგოთისკენ. მათ არ ედ-

გათ თავზე გვირგვინი ეკლის. ისინი
გვინოდ დაიღუპნენ, მათ უგვირგვინოდ აღ-
მოხდათ სული.

და რას ფიქრობდენ ისინი უკანასკნელ
წუთს? უთუოდ ელოდნენ ეკლის გვირგვინს.
მაგრამ სიკვდილი უგვირგვინოდ უხუჭავდა მათ
თვალეებს.

სულო ცოდვილო! შენც ოღესმე ნატ-
რობდი გვირგვინს, შენც გასურდა დაგეკრი-
ფა ნარ-ეკალი გვირგვინის დასაწნავად, მაგ-
რამ ეკლის ძირებიც კი აღარ დაგხვდა წამე-
ბის ბაღში, იგი უდაბნოდ გიქციეს მტრებმა.

და რად დაღვრემილხარ, სულო ჩემო?
როდესაც დაფნის გვირგვინებით შემკობილი
წაგიძღვებიან გოლგოთისკენ, მით იამაყე,
რომ შენ ერთი სდგეხარ უგვირგვინო მათ
შორის.

რომ ეკლის გვირგვინი გიმკობდეს შუბლს,
ღმერთი უნდა გიწოდონ და შენ სულო, ჩე-
მო! ნუ თუ შეგების ძიებაში ისე დაეცი, რომ
ნებას მისცემ ფარისეველთ გიწოდონ ღმერთი?
(დასასრული იქნება)

მის. ჩხოველიძე

მ კ ი თ ხ ა გ თ ა ნ

(დღევანდელი სოფლის სურათი)

I

— ფეფო, შენ გენაცვალე, დღეს შენი
საგარეო კაბა მათხოვე, ბაზარში მივდივარ,
მალე ჩამოვალ.

— ბაზარში რა გინდა, ქა, ამ სიცივეში!
— გამოეხმაურა სოფოს სახლის კარებში მდგო-
მი ფეფო და თან გაკვირვებით დაუწყო ყუ-
რება: გასასყიდლად მიგაქვს რამე? კვერცხები
თუ გაქვს, აი ი „სანიტარას“ კაცებს მიჰყი-
დე, ორს იღებენ შაურათ, ხომ, იცი, სახე
ლოზე წითელი „ლენტის“ ჯვარი რომ აქვს
მიკერებული?

— არა,— ამოოხვრით მიუგო სოფომ
გასასყიდელი კვერცხები ვინ მომაშავა..
დღეს მიხოს ცოლი ვნახე, საბედო, და მითხ-
რა: ბაზარში კარგი ახალი მკითხავი მოვი-
დაო. საბედო! თვის უთქვამს თურმე: ღმერთს



ნუ სკოდავ, შავები გაიხადე, შენი ქმარი მკვლარი არ არის, „პლენად“ ჰყავს გერმანიასო; საწყალ საბედოს მიწაზე აღარ უდგია სიხარულით ფეხი; მეც მინდა ვაკითხვინო იმ საცოდავ ბიჭისთვის, შაქროსთვის, ქა!—სთქვა და თან თვალეზზე ცრემლები მოადგა: —სამი თვეა წერილი არ მიმიღია...

—კაბას როგორ დაგიჭერ, მაგრამ მეც მინდა ვაკითხვინო...

—შენ რა გიჭირს სამკითხავო, ღმერთი გწყალობს: ჯერ შენი „ვაენში“ არავინ წაუყვანიათ.

—არა, ჩემო სოფო, მეც ძალიან დარდში ვარ ჩავარდნილი: მწერელს ეთქვა კანცერლარიაში, მალე ლურჯ ბილეთიანებსაც მოითხოვენო; შაქროს რა უჭირს, ცოლშვილი მაინც არ დარჩენია, ბესო რო წაიყვანონ ამოდენა ხიზანს ყელი გამოგვეჭრება,—სთქვა და თან გადახედა გვერდზე ატუზულ ნახევრად ტიტველ ბავშვებს, რომლებიც სიცივისაგან საცოდავად კანკალებდნენ.

—როგორ ლაპარაკობ, ფეფო, ცოლშვილი რომ არ დარჩენია, იმიტომ არ არი ცოლო? ჩვენ იმი მეტი ვინ გავგაჩნდა ამ სიბერის დროს: დამმარხველიც არავინა გყავს...

—მართალია, მაგრამ ცოლშვილის პატრონი კაცი მაინც უფრო შესაბრალოა.

—არა, გეთაყვა, შენი საგარეო კაბა დღეს მე მათხოვე და, თუ კარგებისა მითხრა მე, გეტყვი და მერე შენც აკითხვინე... ე, ვერანა, რაღა დღეს აცივდა ასე... სიცივის ვინა ჩივის, მარტო სირცხვილია ამ კაბით წასვლა,—უთხრა სოფომ და თან რამოდენიმე ადგილას დაკერებული თავისი ძველი ჩითის კაბა ჩაათვალიერა.

—კარგი, წაიღე! მიუგო ფეფომ და თავისი საგარეო კაბა გამოუტანა...

II

—მამაო იოანნე, ღვინო მიირთვით, შენდობა შეუთვალეთ მიცვალებულს!—სთხოვეს მღვდელს ხანში შესულმა ახლოს მჯდომმა გლეხებმა.

მამა იოანნემ ჯერ წვერებზე დინჯათ დაისვა ხელი, ამოახველა და მერე მაღალის ხმით მიმართა შავებში გახვეულ საბედოს, რომე-

ლიც სახლის ერთ კუთხეში მიმჯდარიყო და სუფრასთან მჯდომ ხალხს ათვალიერებდა: კერძი ხომ არავის აკლიაო.

—იცოცხლე, შვილო საბედო, შენს მიცვალებულს ღმერთმა შეუნდოს, მისი დანაკლისი დღე ღმერთმა შენ და შენს შვილებს შემატოს... დღევანდელი მომზადებული ხარჯი ღმერთმა შეგიწიროს, ვითარცა მსხვერპლი ისააკისა და აბრაამისა.

—ამინ, ამინ!—დაიძახა ხალხმა და ყველამ ქიქებს „თავი წაუქცია“, საბედომ სიტყვიერად მადლობის თქმა ვეღარ მოახერხა, თვალეზზე ცრემლები მოეზინა, და მადლობის ნიშნად თავს უქნევდა მამა იოანნეს:

—საცოდავი მიხო!—ჩაილაპარაკა ერთმა მოხუცებულმა: იმას ჩვენს სოფელში ხო ერთი ბიჭიც ვერა სჯობდა... მართალი, პატროსანი და დოვლათიანი მუშა კაცი იყო.

—აკი ამბობდნენ, ტყუილი გამოდგა მიხოს სიკვდილი, „პლენად“ გაუყვანია გერმანიასო?... რას არ მოჰკორავენ ამ ჩვენ სოფელში!—ჩაერია ლაპარაკში მეორე გლეხი.

—შავებიც კი გავიხადე მე უბედურმა. —ზღუქუნით წარმოსთქვა საბედომ: მკითხავს დაუჯერე, იმ ჩემი ცოდვით სავსეს... „ღმერთს ნუ სკოდავ, შავები გაიხადე, შენი ქმარი ცოცხალიაო, წმ. გიორგის ცხვარი შესწირეო!“ გაუწყრა იმას მისი მადლი და ჩემი ცოდვითამც არ უღხენია... სალოცავიდან, რომ დავბრუნდი სამი დღე არ გასულა, ეს უბედური ამბავი გამომიცხადა მამასახლის... საბედომ სიტყვის გათავება ვეღარ შესძლო, ცრემლები მძლივრად მოეზინა თვალეზზე და გულამოსკვნით განაგრძო ზღუქუნი.

—არა, შვილო, რომ გარიგებთ, რატო არ მიგონებთ, ი მატყუარა მკითხავებს რათ უჯერებთ? ღვთის განგებას მკითხავი რას მიხვდება? დაუწყო დარიგება ხალხს მამა იოანნემ.

—მართლა, შენ რა გითხრა, სოფო, მკითხავმა იმ დღეს, ჩემი კაბა რომ ინათხოვრე? მოისმა მანდილოსნებში დაბალი ხმა.

—გვატყუებენ, ჩემო ფეფო, და ის არის, მეტი არაფერი... ათი კვერცხი აუტანე და მა-

ნეთი ფული... »ამ ერთ კვირაში თუ შენი ბიჭის წერილი არ მოგივა, მე მარჯვენა ხელს მოვიჭრიო«. აგერ ერთი თქვე გადის, მაგრამ...

— არა, მე ცოლოს ვერ დავიდებ: მე რაც მითხრა ი ახალმა მკითხავმა, ყველაფერი მე-ქაშნიკა!.. ჩაერთა ფურჩულით ლაპარაკში მესამე მანდილოსანი.

— არა, შეიღებო, მკითხავთან სიარული ზედმეტი ხარჯია,—განაგრძო ისევ მამა იოან-ნემ; აგერ საბედოს ცხვარი შეუწირავს ხატისთვის ი კუდიანის რჩევით. ასეთი ხარჯი არც ღმერთის მოსაწონია, არც კაცის... ის ცხვარი აი ღღეს შეეფერებოდა, »ორმოცზე«...

— უკაცრავად, მამაო, სიტყვა გაგაწყვეტინეთ!—დაიწყო იმ სოფელში »ნასწავლ კაცად“ ცნობილმა ახალგაზდა გლეხმა ნიკომ: მკითხავი, მკითხავია, მაგრამ ეს ღღევანდელი ხარჯიც ზედმეტია,—უთხრა და ამასთანავე თვალი გადაავლო მადიანად მოსადილე ხალხს: ღღეს ამ ხალხის აქ გაძღომა მიცვალებულის სულს არას შემატებს, ამოდენა ხარჯი მის უპატრონოდ დარჩენილ ობლებს კი ორ წელიწადს გამოკვებავდა.

— მერე, ცხვრებში მამასისხლად ნასესხები ფული მისცა საწყალმა საბედომ: გეურქანთ არშაკას ნახევარი თალარი პური უნდა აძლიოს წელიწადში თუმნის »პრაცენტათ«, — ჩაილაპარაკა თავისთვის ერთმა მოხუცებულმა.

— მაშ, თქვენის აზრით, მკვდარს სულის ხსენება არ უნდა? პირუტყვები ხომ არა ვართ, ქრისტიანი ხალხი ვართ!.. საცოდავს მეტი რაღა ერგება თავის ოჯახიდან, შესანდობარიც აღარ უნდა დაილიოს მიცვალებულის მის ნაამაგარ ოჯახში?!—წარბ-მოჭმუნებით უპასუხა მამა იოანნემ ნიკოს.

— არა, მამაო, როდის მოგახსენეთ სულს ხსენება არ უნდა მეთქი?! მე ვამბობ მხოლოდ ამ ზედმეტი ხარჯის, ქეღებების შესახებ.

— არა, თქვენ თუ კარგი ნასწავლები ხართ, ღვთის საქმეში ჩარევას, ისა სჯობია, ხალხს ურჩიოთ მკითხავთან ნუ დაიარებიან,—უპასუხა ნიკოს მამა იოანნემ ნაწყენი კილოთი, »საყოლაწმინდაო« დალია, მნათეს რაღაცა ანიშნა, აიღო თავის ყავარჯენი და გამოუშვიდობლათ წავიდა სახლში.

გრ. საქარიქედელი

ჩემი სამღურავი

ჩვენი ერი რო ღვთის ანაბარად არის დარჩენილი, ვგონებ, ყველა დამეთანხმება. ის პატრონობა, რაიცა აქა-იქ, გაზეთებშია, თუ გაგონებით მოგესმებათ, ისე ცოტაა, რომ უპატრონობას ვერ აჯობებს.

ავიღოთ ილიკო ქურხულის წერილები: (იხ. »თეატრი და ცხოვრება“ № 9 და 11) დიდის სიამოვნებით ვკითხულობ და თანაც მწყინს, რო ჩვენი შვილი, სხვაგან იღვწის, თითქოს ჩვენთვის მეტი იყოს! ნუ თუ ჩვენი ერი მუსიკალურის მოთხოვნებით, ან ნიქით დაბლა სდგას რომელსამე ერზე? ნუ თუ ჩვენი ერი—მდაბიო ხალხი ნაკლებ დააფასებს ილიკოსა? არა და არა! იმ ექვს შაურს, იმ აბაზს, იმ სალამს და მადლობას ჩვენი ხალხიც აჩვენებს და შესთავაზებს; უსასყიდლოდ და უსარჩოდ არ დარჩება აქაც!

თუ კი იმათ ესიამოვნებათ შუბერტის მოსმენა, ჩვენებს კი აწყენთ? თუ კი იმათ გაუღვიძებს და ჩაუნერგავს მუსიკის სიყვარულს და გემოვნებას განუვითარებს, ჩვენ ხალხს კი აწყენს ამ უკუღმართ და შავბნელს დროში, როდესაც, ვითომ და შეგნებულნი მოღვაწენი, წინ მიუძღვიან ამ გადაგვარების გზას; არ ერიდებიან არა ქართულ-ეროვნულ სიმღერას, ან ვალობას, მოუწერონ ქართულად ლექსნი და ისე მოასმენინონ ქართველთა ვითომ და ქართულია?! აი, სწორედ, ახლა, ამისთანა დროს ექირვება სამშობლოს ამისთანა ზილოტი—მოღვაწენი, როგორც ილიკოა, რომ სა-ქართველო და მთელი საქართლოსიანო შემოიაროს, შეკრიბოს კიდევ რაც დარჩენილია ხალხში და თანაც სკრიპკაზე დაკვრით მოასმენინოს ის საუცხოვო ჰანგები, რომელთა მოსმენა აღუნთებს გულში სამშობლოსა და ერის სიყვარულსა! თანაც რომ სამიოდ დამძახი-მომღერალი ბავშვი ახლდეს, ეს ხომ საუცხოვო რამ იქნება!

ამ გვარად გამოწუბილი ილიკო რომ შევიდეს ჩვენ მოძმეთა—ქართველ მაჰმადიანთ სოფლებში და მოასმენინოს ის სიმღერები, განა ცოტა სარგებლობას მოუტანს ჩვენს სამშობლოს?



აი, ნახევარ საუკუნეს გადავაბიჯე, გარ-
 ნა ჩემის გულიდან და გონებიდან ვერ ამო-
 მიღია ის აზრი და სურვილი, ნეტავი მომა-
 სწრო იმ დროს, მომცეს ვინმე ის შეძლება,
 რომ გავაკეთო მოძრავი სამოსწავლო ოთახი,
 კლასი, თვლებზე შედგმული, სოფელ-სოფელ
 ვიარო სად ერთი თვე, სად სამი და ოთხი
 თვე, რომ შევასწავლო სიმღერა-გალობა და
 ანაბანა!

საქველმოქმედო საზოგადოებამ, ანგვერა-
 კითხვის საზოგადოებამ უნდა იქონიოს ამა-
 ზედ მსჯელობა; მიიღოს და იქონიოს მხედვე-
 ლობაში ეს აზრი! ღრმად დარწმუნებულნი
 ვართ, ილიკომ სამის ბავშვით, ქიანურით და
 გოგორებით მოძრავი სკოლით, რომ სოფლი-
 თი-სოფლად ირონიოს და იმოღვაწოს, დიდ
 ნაყოფს მოიტანს!

მღ. ვასო კარბელაშვილი

ყ ვ ა ვ ი ლ ე ბ ი

გლოვის ველი

სძინავს, სძინავს სიკვდილის ველს,
 არ აშფოთებს მას გრილი,
 და ოცნებობს გაზაფხულზე,
 რომ აყვავდეს კვლავ ტიალი,—
 აყვავდეს და აელვარდეს,
 მზით ხარობდეს ნამიანი,
 ყაყაჩოს ზღვა გადაშალოს,
 სისხლით სავსე, ცრემლიანი.
 ბნელი ღამე მას შეჰხარის,
 სუდარს აფენს წყეულ-კრულსა,
 ზეცა ღრუბლით ვარსკვლავს ბურავს,
 შიშით შემკრთალს, უფერულსა...
 ცელქი ქარი დანავარდობს,
 სისინებს და ხან ხარხარებს,
 ფიფქ თოვლის მტვერს მკვდრებსა აყრის,
 დასცინის და გულს იხარებს:
 იქ აჩრდილი ანგელოსის,
 ფრთებ გაშლილი, პირნათელი,
 ქვითინებს და დადის, ყივის,
 სევდით დნება, ვით სანთელი,

მსხვერპლთ უჩოქებს და ეხვევა,
 ცრემლებს აფრქვევს მათ მდულარეს,—
 ისევე დადის და იძახის,
 ძილსა უფრთხობს ველს მდუმარეს...
 სტირის, ქვეყნად ცით მოსული,
 მწარედ გლოვობს ქვეყნის შვილსა,
 გლოვობს, მოსთქვამს—ცის კამარას
 აწვდენს კვნესას და კივილსა.
 მაგრამ ზეცა აღარ ისმენს
 და არ იტკენს ჭმუნვით გულსა,—
 მიწა ამან მოიძულა
 და არგუნა ბოროტ სულსა...
 კვლავ ქვითინებს ანგელოსი,
 სტირის ქვეყნის ჭირ-ვაებას,—
 და გარშემო ბნელი ძალა
 ხარობს, ყივის გამარჯვებას...
 სძინავს შავ ველს—ესიზმრება
 გაზაფხულის დღე მზიანი
 და ყვავილი გაფურჩქნული,
 სისხლით სავსე, ცრემლიანი...

ვახტანგ ვაგუაძე

გ ა ზ ა ფ ხ უ ლ ი

მოდის, მოდის გაზაფხული, ჰყვავის ვარდი, ჰყვავის მდელო,
 გულწარმტაცად იქარგება ჩვენი ტურფა საქართველო.
 მოდის, მოდის გაზაფხული, და თან მოაქვს სიხარული,—
 სხვა სიამეს უნდა შეხვდეს ჩვენი გული, ჩვენი სული;
 ჰხედავთ, ჰხედავთ საიმედოთ როგორ ჰყვავის მთლად გარემო,—
 ახ, ნეტავი აყვავებულს მუდამ გნახავ ტურფავ ჩემო?
 თუმც შენს ირგვლივ ჯერ ყინვაა, სიცივეა და ზამთარი,
 მაინც მწამს, რომ მოხვალ, მოხვალ, ჩვენთვის ტურფა და ნარნარი!

ალ. კლიშიაშვილი

აპრილის უიჩი



ზადზარუჩიკი

პეტრე გაიოზის ძე გაბუნია

ფოთელი, სწავლობდა ფოთის გიმნაზიაში, შემდეგ თბ. სამხედრო სასწავლებელში, მოკლულია ოსმალთ ასპარეზზე 31 იანვარს 1916 წ. დაახ. 18 წ. იქნებოდა.

ბაღჩას ჩაველი და ყვავილებს ვუაღერებდი, ჩემსავით ობოლს და განწირულს მათში ვეძებდი...

ვეძებდი ყვავილს, ღალატით რო ჩამომქნარიყო, მაგრამ ღიმილით განგმირული მათში არ იყო...

...და კარებს იქით ააკვნესა ვილაცამ თარი, ბედ დაკარგული, ვინ სტიროდა წარსულ სიამეს? მისი ძახილი მივამსგავსე სულის უიჩრებს, და მისი სევდა მაგონებდა სამშობლოს დამეს...

—ახ, ვინ იყავი, შორეულო, მაგრამ თვისტომო, ვინ მაგრძნობინე სამუდამო ამაოება;

—ახ, რა რიგ მსურდა შენს კალთაში ჩამერგო თავი და განმეცადა შენთან ერთად უსახლდროება!..


ახ, სული ჩემი, ღალატით არ გადამქნარიყო, რა იქნებოდა იმ ჰანგებში მთლად დამდნარიყო?!

როგორ უნდა დაგივიწყო?!

(მ. თ—ს)

გ. ლეონიძე

გარიჟრაჟზე ვარდის კოკორს მზემ რომ ოქროს სხივი სტყორცნა, შენს დაწვს მოხვდა, ბროლის დაწვსა, აღებეჭდა ღალის კოცნა. ცის გუმბათით ტურთა კორდზე მზემ რომ დასწვა მწვანე მოლი, შენ შუბლს წარბად გადაეჭდო ორი მსხვილი გიშრის ზოლი. ღამით მთვარე ბროლის ტბაზე მარმარილოს რომ სდგავს ტანტსა, ის შენს მკერდს ჰგავს, თეთრსა მკერდსა, საუცხოვოდ დანახატსა, რომელიც შიგ გულს იფარავს, გულს უღმობელს, სალი ქვისას,— აბა ერთხელ რათ არ ისმენს ხმას ცეცხლ ნადებ გულის თქმისას?.. შენ ცეცხლი ხარ ჯოჯოხეთის, აქ, ჩემს გულში ანთებული; იწვის გული სიყვარულის სამსხვერპლოზე დადებული.



სცენის მთავარი

† ალექსანდ. (საშა) ლ...

ნაძალადევის ახალგაზდა სცენის ყვარე, მშრომელი და პატრიოტი, დაუღალავი მუშაკი იყო. ღალადის თეატრის საძირკვლის რაში დიდი დეაწლი მიუძღვის. ძო წარმოდგენებშიც იღებდა წილეობას. ნაძალადევის სცენა მოშორდა 1912 წ. სამხედრო სახურში გაწვევის გამო. ქლექციონეულებული გარდ. 5 მარტს, ძალეს პეტრეპავლის სასაფლაო მარტსა.

საუკუნოთ იყოს ხსენება შენი ნო ძვირფასო მეგობარო და სხო სცენის უანგარო მუშაკო. ა. გოგაშვილი

გაზაფხულის ბუჩქის ძირას რომ კოკრდება ია ნაზი, შენის ცრემლით არის ხოლმე ის ყვავილი შენაკმაზი. როს ლაყვარდ ცას გადასქედავს მოკამკამე ვარსკვლავები, მე მგონია, შენს თვალთაგან მოციმციამებს ის სხივები. მთის კალთებს რომ ჩამობურავს ყომრალ ნისლთა შავი ზვრები, მეჩვენება შენს ბროლ ყელზე ჩამოშლილი გიშრის თმები.

ცა—სამყაროს სიტურფეში ყველგან რომ ხარ, ჩემო სულო, როგორ უნდა დაგივიწყო, როგორ უნდა შეგიძლო?..

შენ ცეცხლი ხარ, ჩემო მზეო, აქ, ჩემს გულში ანთებული; იწვის გული სიყვარულის სამსხვერპლოზე დადებული.

როცა ღამით ვარდის ეშხით სტვენს ბუღბუღი, ნარავს ტკბილად, ნექტარივით გულში მხვდება შენი ხმა და მიპყრის ძილად. და ძილშიაც, ვაი ჩემს დღეს, შენი სახე არ მშორდება, და შორს რომ ხარ,—სიგება მიპყრობს, გული სწუხს და იტანჯება. ბნელი ჰფარავს ცისკრის სხივსა, შენს თვალებში მოკამკამეს; ჩემი ყოფა და სიცოცხლე დაემსგავსა უკუნ დამეს.

მუდამ—მარად შენი სახე არ მშორდება, ჩემო სულო, და მაშ როგორ დაგივიწყო... და მაშ როგორ შეგიძლო?..

შენ ცეცხლი ხარ ჯოჯოხეთის, აქ, ჩემს გულში ანთებული; იწვის გული სიყვარულის სამსხვერპლოზე დადებული.

გ. ლადოშვილი

უმანკო მსხვერპლი



† ანნა (ანეტა) თავ. სოლომონ ანდრონი-
კაშვილის ასული.

(17 მარტს შავ ზღვაზე დაღუპული)

ბოლო აღარ უჩანს!..

ბოლო აღარ უჩანს ჩვენი ქვეყნის ვაე-
ბასა და ცრემლთა ღვრას, მშობელთა მოთქ-
მასა და ცოლშვილის გამწარებას...

ვინ მოსთვლის რამდენი მსხვერპლი გა-
ვიღეთ,—

საერთაშორისო ცეცხლი გუზგუზებს და
კოცონს ჩვენებიც ეკეთებიან...

ქართველ მამაკაცის რაინდობასთან ერ-
თად ქართველი ქალის ძველებურ-გმირულმა
სულმაც გაიღვიძა, მაგრამ ვაჰ, რომ უნაყო-
ფოდ...

ამ თვის 17 ერთი საზარელი ამბავიც
მოხდა.

შავ ზღვაზე რიზესკენ მიმავალ რუს-
ფრანგთა გემ-სამკურნალოს „პორტუგალიას“
მტრის წყალქვეშამ ორი ნაღმი ესროლა, ერ-
თით შუბლი შეუნგრია და გემი შუაზე გაჰ-
კვეთა, რომელიც სწრაფად ზღვაში ჩაიძირა...

გემზე მოწყალეების დანიც იყვნენ, დაჭ-
რილ მეომართა საშველად გამგზავრებულნი...
ბევრი მათგანი დაიღუპა...

დაიღუპა, სხვათა შორის, ჩვენი თანამე-
მამულის—თ. სოლომონ ანდრონიკაშვილის
ასული ანეტაც, ერთი ღვთისნიერი, სათნო

მოწყალეების დათაგანი, ჯერ კიდევ ახალგაზ-
და—24 წლისა...


თავადის ასული ანეტა შეძლებული ოჯა-
ხის 'მეილი იყო, მშვენიერთა მშვენიერი, ფუ-
ფუნებაში აღზრდილი, სულით არისტოკრა-
ტი, „დიდთან დიდი, მცირესთან—მცირე“,
როგორც იტყვიან, სწავლობდა წმ. ნინოს
სასწავლებელში...

ომიანობამ გაიტაცა და მოინდომა თვი-
თაც შექმნილიყო „მოწილე საერთო ზედის
წერისა“...

შეასრულა მოწყალეების დობის კურსი,
პირველად ერთ წელს წმ. ნინოს ლაზარეთში
მსახურებდა, შემდეგ—ხუთ თვეს ქოროხში,
სადაც ჯარის კაცთა საერთო სიყვარული და
პატივისცემა დაიმსახურა თავისი კეთილი გუ-
ლით, დაჭრილ-დაავადებულთა თავამოდებუ-
ლი მოვლით... ავადმყოფთა მოვლის დროს
სამჯერ ხელი გაეკაწრა და სისხლიც მოეშა-
მა, მაგრამ განკურნების შემდეგ (თუმცა შე-
ეძლო და ურჩევდნენ კიდევ სახლში დარჩე-
ნას) ისევ ტანჯულ-გვემულთა ზრუნვას და-
უბრუნდა...

მას არ აკმაყოფილებდა ჩვეულებრივი,
დინჯი, ერთფეროვანი მუშაობა აქაურ ლაზა-
რეთებში: სახიფათო ბრძოლის ველისკენ გა-
იკლა თავი, რომ იქ ემუშავნა—საცა უფრო
საჭირო იყო, მაგრამ მტრის მახემ მოულოდ-
ნელად იმსხვერპლა...

ნათელიმც იყოს ხსოვნა შენი, ჯერ კი-
დევ გაუხარელო, კაცთა ვერაგობის უმანკო
მსხვერპლო, ჩემი წამებული სამშობლოს ასუ-
ლო ანეტა!..
იოსებ არიმათიელი



გოლნ. ბ. ნ. ხარტიკაშვილი

ბოიკოტი

შიესა სამ მფქ. და ოთხ სურათად
(გაგრძელება. იხ. „თ. და ც.“ № 11)

VII

ილია ლუკიჩი და სონა.

ილ. ლუკ. სოფია ნიკოლაევნა, თქვენ ერთ საქმეში უნდა დამეხმაროთ, რომელიც თქვენთვისაც დიდ ინტერესს შეადგენს.

სონა. ბრძანეთ, ბატონო ილიკო, ბრძანეთ.

ილ. ლუკ. სოფია ნიკოლაევნა, ჩვენი მუშების დღევანდელი გაფიცვა, როგორც მოგხსენებათ, პირველია ჩვენს ქარხანაში. ისინი თავაზიანნი და მუდამ მორჩილნი იყვნენ თავის უფროსების, მაგრამ ვიღაცა გაიძვერა და ბოროტ ენების წყალობით იმათაც მოუფიქრებლად და შეუზღებლად იფეთქეს. დღეს ისინი წარმოადგენენ ტლანქ ძალას, რომლისთვისაც საკმარისია უბრალო შემთხვევა, რომ იფეთქოს ამ ბრბომ და ერთიანად წაგვლეკოს. ეს გაფიცვა, სოფია ნიკოლაევნა, დღეს დღეობით საშიშია, მაგრამ შემდეგ კი უცებ დაცხრება. ჩვენ ამ აბოზობურულ ძალას უსათუოდ ანგარიში უნდა გაუწიოთ. ამის გარდა ისიც უნდა ვიქონიოთ მხედველობაში, რომ ამდენი ხალხის გადამტერება არ არის კარგი. ამიტომ მე დიდი ფიქრის შემდეგ გადავწყვიტე გიორგის მოველაპარაკო, რომ ზოგიერთი მუხლები დაუთმოს მუშებს და საქმე მორიგებით გავათავოთ. თუ ეხლა ბატონი გიორგი დაუთმობს მუშებს, ეს მას ყოველივე ხიფათიდან იხსნის.

სონა. რასაკვირველია უნდა დაუთმოს, თორემ თუ რამე უბედურება შეემთხვა—ფული და ქონება რაღას უშველის!

ილ. ლუკ. მეც ვგრე მგონია, სოფია ნიკოლაევნა, და სწორედ ამიტომ მე მოლაპარაკება უკვე დავიწყე მუშების წარმომადგენლებთან და დღეისთვის კიდევ დავიბარე აქ. ისინი საცაა მოვლენ. მე ეს საკუთარი ჩემი მოსაზრებით გავბედე იმ იმედით, რომ თქვენ დამეხმარებით და როგორმე დავიყოლიებთ ბატონ გიორგის... ეს აუცილებლად უნდა მოვახერხოთ, თორემ რომ მოვიდნენ ისინი და

ბატონ გიორგიმ კიდევ ძველებურად უყვრილი დაუწყოს, მე მაშინ ცოცხალი ველარ მოვრჩები მათ.

სონა. (შეშინებული) უსათუოდ, უსათუოდ უნდა დავიყოლიოთ ბ. ილიკო, თორემ ლამის გავვიჟღე ასეთ მდგომარეობაში. მუდამ შიშა და კანკალში ვარ. დამე ვერ დამიძინია... მე აღრე მინდოდა თქვენთან მომელაპარაკა ან ამის შესახებ, მაგრამ, მართალი გითხრათ, ვერ ვბედავდი საქმეში გარეგანს. (გამოადის გიორგი)

VIII

ილია ლუკიჩი, სონა და გიორგი.

გიორგი. (ძაღვან დაფიქრებული გამოადის და სავარძელში ჯდება) არა, რაღაცა არაა ჩემს თავს კარგი. ქვეყანა გადამმტერა, ხმას აღარავინა მცემს. ყველა, გარდა რამდენიმე კაცისა, ზიზლით მიყურებს. უკანასკნელი ხელზედ მოსამსახურენიც კი, რომელნიც თითქმის ჩემთან აღიზარდნენ, ისინიც გამიდგნენ და ზიზლის თვალთ მიყურებენ. ამდენი პირობები შესასრულებელი მაქვს. ვადაზე საქონელი უნდა ჩავაბარო და აქ კი ასეთი მდგარი გაფიცვა და ბოიკოტი. ახ, ერთი ვიცოდე დანამდვილებით ვინ უმაგრებს წელს, ვინ აჩვენებს გზას, რომ თოკზე ჩამოვაკიდინო...

სონა. ნუ შეფოთავ, ჩემო გიორგი, დაწყნარდი. ბატონ ილიკოს ერთი რჩევა აქვს შენთან და მოუსმინე. დაუჯერე, როგორც უფრო ახლო მდგომ პირს მუშებთან.

ილ. ლუკ. (გიორგი ჩაფიქრებულია) ბატონო, გიორგი, ეხლა სწორედ მე და ქალბატონ სონას ამ საგანზე გვექონდა ლაპარაკი და თქვენც უნდა გავიზიაროთ. ჩვენი ქარხნის მუშებში ჯერ კიდევ ადვილია საქმის მოგვარება, რადგან ისინი შხოლოდ ეხლა გამოფხიზლდნენ. ეს გაფიცვა პირველია მათთვის და არც საშიში, მტკიცე ორგანიზაციაა მათში. თქვენ თითონ სთქვით, ბატონო გიორგი, რომ წინეთ თავაზიანნი და ზრდილნი იყვნენო. დიახ, თავაზიანნი და ზრდილნი არიან ეხლაც. დღეს თუ შესცდნენ და გაიფიცნენ, ეს სხვისი შთაგონებით, სხვისი წაქეზებით. დღეს ისინი უბრალო იარაღი არიან რამდენიმე კაცის ხელიში, რომელნიც როგორც უნ-



დათ ისე აცეკვავებენ და ათასნაირ ზიზღს და შურს სთესენ მათში თქვენს წინააღმდეგ. ნათქვამია: „მოვიდა სეტყვა—დახვდა ქვაო“. მართალია ისინი ოსტატობენ, მაგრამ არც ჩვენ უნდა ჩამოვრჩეთ. აი, სწორედ ამ დროს, როდესაც ამ ცხვარივით ხალხს თქვენზედ ცუდს ელაპარაკებიან ჩვენ არ უნდა მივცეთ მათ სააგიტაციო მასალა და კიდევაც რომ ვიზარალოთ, ჯერჯერობით უნდა დავაკმაყოფილოთ, რათა აშკარად დავანახოთ მუშებს, რომ ის რასაც მათ ელაპარაკებიან არ არის მართალი და მით იმ საციმბიროების აგიტაციას ნიადაგი მოუსპოთ. საქმის გამწვავება და გაგრძელება, ბატონო გიორგი, ყოველივე იმ ცუდ ნალაპარაკებს დაადასტურებს. ჩქარა საქმის გათავება და მორიგება კი ყოველივე ცუდ აზრს თქვენ შესახებ გაჰფანტავს. დაუთმეთ, ბატონო გიორგი, რამდენიმე მუხლი დაუკმაყოფილეთ და მორიგებით გაუთავეთ საქმე. ამას ისინი თავის გამარჯვებათ მართალია ჩასთვლიან, მაგრამ ნამდვილათ კი დამარცხებულნი გამოვლენ და რატომ გამოვლენ დამარცხებულნი, ამასაც მოგახსენებთ. როცა ქარხანას ნელად, ოსტატურად და ზრდილობიანად გავსწმენდთ იმ სათოკეებისაგან, რომელნიც დღეს ამხნევებენ გულუბრყვილო მუშებს, როცა მაგნე სულებს მოგიცილებთ, მაშინ თუ გნებავთ მათემატიკურად დაგიმტკიცებთ, რომ ჩვენ ეხლა თუ დაუთმობთ წაგებული არ ვიქნებით.

სონა. შენ გენაცვალე, ჩემო გიორგი, დაანებე თავი ამ ჯიუტობას, თორემ მე მეტი აღარ შემიძლიან.

გიორგი. დაანებე ჯიუტობას თავი, წალი დათმობის გზაზედ. მერე ჩემი სახელი, ჩემი პიროვნება ხომ გაითვლა ფეხქვეშ. არა, არ შემიძლიან. მე ამას ვერ მოვიტყენ. (წამოხდგება და დადის აქვავებულად)

ილ. ლუკ. ბატონო გიორგი, მე თქვენზე მეტათა ვარ გაჯავრებული. მაკვირვებს მათი თავხედობა, მაგრამ, ვიძეორებ, დათმობა აუცილებელია... დღეს, როდესაც მუშათა რაზმი ბობოქრობს, უცბათ დაჯახება საფრთხილოა. შემდეგ, როცა საქმე დაწყნარდება, ნელნელა, თვეში ორი ან ერთი მაინც მო-

თავეთაგანი დავითხოვოთ ქარხნიდან და ანაირად ჩვენს მუშებს ჭირისუფლებს მოვაკლებთ. დღევანდელ მიცემულ უფლებებს ისინი ვერც კი გაიგებენ იმ სახით გამოვლენილი და გვარი აი აქ გულის ფიცარზედა მაქვს აღბეჭდილი. მალე მტერი მოგიკვდეთ, მალე მე ისინი გავასვენო ქარხნიდან და ანდერძი აუგო. თქვენ ეხლა დამთანხმდით, დაუთმეთ და შემდეგ ჩუმის და ფრთხილის ნაბიჯით მათი აღმოფხვრა მე მკითხეთ.

სონა. შენ გენაცვალოს შენი სონა ეს შავი ფიქრები თავიდან მომაცილე. რაღაცა ცუდ სიზმრებსა ვხედავ.

გიორგი. (იღია ლუკის) მრწამს, ჩემო ილიკო, შენი გულწრფელი რჩევა და იმედიც მაქვს, რომ დაპირებას შეასრულებ, მაგრამ დღეს მე რა ვარ! ძლეული, თავლაფდასხმული, ქვეყანაში შერცხვენილი! მერე ვისგან, ვილაც მურიანებისაგან!

ილ. ლუკ. აქ სასირცხვილო არა არის რა, ბატონო გიორგი. მაგალითი მარტო თქვენ არა ხართ. ეს დამარცხება კი არა ჩვენი გამარჯვება იქნება, რადგან ამიერიდან უფრო ფრთხილად ვიქნებით და იმისთანა ავაზაკები აღარ შემოგვეპარებიან... მე პირობის ზოგიერთი მუხლები შევიმუშავე... აი ნახევით და თუ მოგეწონოთ, ამ ფარგლებში ვიმოქმედებ. (აქვავს შემუშავებულ შიკრების ქაღალდს) მე მუშების წარმომადგენლები დავიბარე და საცაა მოვლენ კიდევ. ზოგი თქვენ დაუთმეთ, ზოგი მათ და მშვიდობიანათ მოვარიგოთ საქმე. ხომ ჰხედავთ, ბატონო გიორგი, დღევანდელი დებეშა რას გვეუბნება. საქონელი დროზედ უნდა ჩავაბაროთ, თორემ წარმოუდგენელ ნეუსტოიკას გადავიხდით. (ისმის ზანის რეკა) მგონი მუშების დელეგატები უნდა იყვნენ.

გიორგი. (იღია ლუკის მიერ შემუშავებულ შიკრების მუხლებს კითხულობს. მისი რჩევა სჭრის, გიორგი სთანხმდება, მაგრამ ეფემანობს. მოუბრუნდება იღია ლუკის და გულისხმობს.) კარგით, ილია ლუკინ, როგორც გინდათ ისე მოიქეცით. თქვენ მოელაპარაკეთ, თორემ მე მათი დანახვა სიცოცხ-

ლეს მიწამლავს. მე არ დამნახოთ ისინი თვალით. (გადასცემს შირობის ქადაგდს)

ილ. ლუკ. არხეინათა ბრძანდებოდეთ, ბატონო გიორგი, თქვენ დაწყნარდით გეთაყვა და საქმეს მე მოვაგვარებ.

გიორგი. პირობა კაბინეტში შემომიტანეთ ხელმოსაწერად (გიორგი და სონა გადის)

ილ. ლუკ. დიდი სიამოვნებით. (გადის)

ფ ა რ დ ა

(შემდეგი იქნება)

ვოგია

საწადელს მიაღწიეს...

ამას წინაღ ქუთაისში გამოვიდა „ცისფერი ყანწები“, გაზაფხულის აღმანახად მონათლული და... ატყდა განკაში.

ახლა რომ ვუკვირდებით, საჭიროა კი იყო სიხუბით ჩაგვეტარებინა ამ აღმანახის გამოსვლა.

აღმანახისტები დიდათ ყოყმანს ხაფხი აღმოჩნდა: ჩვენა ვართ, რაცა ვართ! ჩვენთან უნდა დაიწყოთ ქართული ლიტერატურის აღორძინება, ყოველივე, რაც იყო — უნდა დაინგრეს, უნდა დავიწიებას მივცეს. და... თავის ქება, შირობაში სწავნი, შეურაცხყოფი.

დემოკრატ, როგორ ყოველივე არ ახალია, ძველია ამ ქვეყნად: რომელი ჭაბუკია ისეთი არა ჭეკნებდეს, რომ ქვეყნის სიცოცხლე მისკან იწეება? ეს თვით ცხოვრების კანონია. მაგრამ ჩვენ, შემუშრებელი, ყოველთვის, როდესაც ახალი ვინმე მოგვეფინება, კრიტიკულად შევცქერით — ახა, რა აგლა-დიდების ბატონნი გამოგვიჩნდნენ? ვინ არიან? რითი მოდიან?

„ცისფერ ყანწის“ ბატონებს მოაქვთ თურმე ლოთობა, ორგანოსტობა (თავდაუტყველი, სქესობრივი აღტყინება) და ნგრევა და განადგურება ყოველივერის, რაც შეუქმნია წინანდელ გულტურას. აღარა სწამთ შექსპირი, მოსწვიანდათ „ვიითელი დანტი“, ერუ არის მათთვის ბეთქოვენი.

როგორც სხვადათ თამაში სიტყვებია და ეს არის კიდევ მათი უმთავრესი, ნიშანდობლივი თავისება.

სითამაშე, უტიფრობა! რაც შეიძლება მეტი უტიფრობა! ეს... შთაბეჭდილებას ახდენს... ამას

მანც გათქმევიებთ — ვინ არიან ეს უტიფრობები!


იმათაც მეტი არაფერი უნდათ და კმაყოფილებით ხელეებს იფშენებენ: ოჭო, შთაბეჭდილება ხომ მოვასხდინეთ!

თვითონ კი „გამთბარი კატითა“ და „შავი ძაღლის უნოსვითა“ შემოდის ჩვენს ლიტერატურაში. თან, სარა უნდა და არ უნდა, საქართველო აკერიათ შირობე. ვითომ მისი კეთილდღეობა, მისი ხელფანების აგვაგება! ესაა ხომ მოდაშის საქართველოს წამდაუწუმ ხსენება და ეს ახალი რანდებიც გვრე იქცევიან.

მერმე რამე ორიგინალური, ან ქართულ ნიდაგზე ახლად აღმოცენებული მანც შემოეტანათ! არა, მათ გადმოიღეს ძალიან მკრთალად და ძალიან უნიჭოთაც ფურტურისტული მიმართულება ევროპისა. მაგ. ბ. შალო იაშვილის „შირველ-თქმა“ და ტ. ტაბიძის „ცისფერ ყანწებით“ იტალიელ, ცნობილ ფურტურისტ მარნიეტის მანიფესტის უსერიო გადაღებვას, შეკვეტილი და შეკრეტილი, რომელსაც ამათ ხელში თავისი სიმწვავეც დაუკარგავს და თავისი ნიჭიერებაც. თუნდა ერთ წამს შეურთოდეთ კიდევ მათ განკანს ჩვენს ქვეყანაში, ნუ თუ მეტი ორიგინალობის გამოჩენა არ შეიძლება, მაგრამ უბედურებაც ის არის, რომ ეს ახალგაზდობა უფრო მთვრალეები და მუვირალეობა და ამითი უნდათ კიდევ გაიტანონ ბურთი ლელოზე.

ერთხელ ჩეხოვმა სთქვა რუსის დეკადენტებზე: ისეთი მრთელი და ყოჩილი ბიჭები არიან, რომ შენი მოწონებელი, მხოლოდ განკებ იგრიხებიან და იმანჭებიან. ისე ხდება ახლა ჩვენშიც. ყურადღების მიქცევაც უნდათ. ერთგვარი მომუქიარობა და... აი მიაღწიეს კიდევ საწადელს.

უკვე ოთხი თუ ხუთი სერიოზული წერილი გამოვიდა მათ შესახებ. შრესა აღმანახება და ახლა მკითხველს გაზუთებიდან ეტოდინება, რომ ქუთაისში მ მარტს თეატრს ფონდისათვის გაღებულ „კაფეში“ დასათიანი სკანდალიც მოხდა. ესტრადაზე გამოვიდნენ თავიანთ ლექსების წასაკითხად მ. იაშვილი და გაფრინდაშვილი. დამსწრე საზ-მ არ ინდობს მათი მოსმენა და ამაზე ბ. იაშვილმა საზოგადოება გამოლანძღა რუსულად. მან მძიმე სიტყვები იმხარა, აზრი კი



ეს იყო — საზოგადოების აზრს ანგარიშს ან ვუწევო, თავი მოგვწონს კიდევ, რომ ჩვენი არა გესმით-რამ! დახედეთ რა უოფრობაა! ვითომდა თქვენ უველანი წვრილმანნი ხართ, ჩვენსას რას გაიკებთ!

აბა, მადლიერი შთამომავლობა მოგიხსენიებთ თავის ღოცებში?!

მაგრამ უველანზე უფრო საწვენი ის არის, რომ ერთი დამსახურებული ლიტერატორიც გამოვიდა იმ დამეს მათ ქომავალ და გვამცნო სრულიად ახალი ამბავი: ასე უოფოდა, ასე იქნება! ილია და აკაკისაც მათ ახალგაზდობის დროს წინააღმდეგ ძველი თაობა, მაგრამ ხედავთ შემდეგში მისთანათა გაიმარჯვესო. ახლა ესენიც ეგრე დაწუნებულნი არიან, მაგრამ მომავალი მათია!

შესხედეთ რა მშვენიერი სიტყვებია! რა მართი და მართალი, მაგრამ კაცმა ხომ უნდა იცოდეს და რისთვის ღაზნაკობ... რაოჯგერ თქმითაც დაწავდებისა. ესეთი შემკობა და გალაღება „ღოთთა და ორგანსტთა“, რომელთაც გარდა სქესებრივ უინის მოკვლისა არა მოაქვთ-მა მომავლისთვის, შიდაზიან დაწამულია. „რისიფერ-უანწისტებს“ კი უსათუოდ ამ განგაშის, სკანდალისა და ზემოთქმულ მწერალის გამხნეგების შემდეგ მართლა ჭკობიათ, რომ მართლაც რაღაც სწორი და გზიანი გააკეთეს, რომ მართლაც მათი გამოსვლა ეს მამა-შვილთა სასტიკი შებრძოლება... რათა? რათა ან შევიტყვებთ თვით მათვე? ისედაც გზადანუღლებს კიდევ უფრო რათ ვუბნევთ გზა და კვალს?

ჩვენს ლიტერატურას დიდაც სჭირია განახლება, ახალი საღებავების მოძებნა, თუ გზებზე ახალი სტილის შემუშავება, მაგრამ არა გარყვნილების გზით, არა შავი კიბით შემოსვლა, არამედ იმ საოცრებო და სხივ-მომეინარ კიშკრიდან შემოსვლა, რომელიც თვალის მომჭრელად განათებულია მზე-რუსთაველისაგან და აკაკი. ვაჟა და ბარათაშვილის ტეტსლებრივ ნიჭით.

აქ გამოსძებნეთ თქვენ ახალი სახეები ადამიანი იმიტომ არის ეკეთი უცხო არსი და მისი ხელაფნება მით არის ეგრე დიადი და გამტაცებული, რომ არ აქვს საზღვარი მის სხვა და სხვაობას, მის განცდათა მრავალ-ფერობას... მზე

უოველთვის აღმოსავლეთით ამოდის სიღრმე და ამას ვერ გაბრუნებთ ვერას გზით, ამასთან ეკმზეც, რაც ადამიანი განდა მას აქეთ იმდენად-რად და იმდენისაგან არის განცდილი და აღწერილი, რომ თითქო სხვა რაღა ითქმის, მაგრამ მაინც დაუშრეტულია საღებავი ადამიანის გულსა და კრძობაში ჩამდინარებული და ამ სიწმიდეს უნდა იქიდან ხელახალი ამოდება, რომ ეკვეგე მზე სულ ახლის საღებავით აღნიშნო და არა ბნელ ქვენა კრძობათ, რომელთაც ქალაქების და თუნდ შარიზის ელექტრონით განათებული სხვა და სხვა „მუღენებო“ ქქმინან და სქესებრივ აღტენების ჟამს „გამთბარი“ სარეტელი წარმოშობს...

არ არიან საშიშარნი ეს ვმეწვილები, მაგრამ ძალით გასაშიშროებთ და აი რა არის საწვენი.

ეს განგაში, ეს სკანდალები კი მათ ერთგვარ რეკლამას უწევს და იმათაც მეტი არა უნდათ:

საწადელს მიადწიეს.
მხოლოდ სახუგეშო ის არის, რომ წუთიერია უოველივე ეს და ხალხი და ცხოვრება მათ ვერც გაიცნობს ისე უარსა ჭეოფს.

შეიძლება ეს მოხდეს — ზოგი ახალგაზდა მოიწამლოს ამ „სითამამით“, ამ „მევირანლობით“. ეს კი სავალალოა, როდესაც უოველი ძალა, ენერჯია ჩვენ სათავადავად გვაქვს და ესე გვეჭირდება სხვა უფრო დიდი საქმისათვის. მაგრამ თუ ეს მოხდება, დეე, ცოდვა მათ კისერზე იყოს, ვინც ამ „რეკლამებს“, შეიძლება უნებლოეთაც, უკეთებს ამ „რისიფერ“ ვმეწვილებს. უმსხვერპლად ხომ არა გაკეთებულან. ამ ვერა-ზიულმა დუჟმაც ეტეობა უნდა ჩამოყონ ჩვენში და იმითაც ვინუგეშა, რომ მას ჩვენი მზე თავისთავად გააშრობს...
მა-თ-განი

P. S. ამბობენ კიდევ გამოვსა მერე № „რისიფერ უანწებისა“. დაწმუნებულნი ვართ კიდევ მეტი უტიფრობით, მეტის სითამამით იქმნება მტრთულ-მოკავშირული ადამიანისი. მაგრამ ერთ რასმესაც ვურჩევდით: სურათის სირულისათვის შემოიღონ სახეების მძვანეთ შეღებვა, ვვაგილების თუ სხვა მოხაზულობათა დახატვა დაწვებზე. თან ჩემულობის განსხვავება, ქალის

რანისამოსში ვაჟი გამოწეობილი, შადვარი მსრუბ-
ზე წამოცმული. ეგროზის და რუსეთშიაც ეგრე
იყო. თუ სითამაშა — ბარემ ბოლომდის... ეს კი-
დეჟ მეტ და დიდ შთაბეჭდილებას მოახდენს...
მ.



ოტელო ქართულ სცენაზე

7 მარტს ქარ. დრამ. საზ-ის დასმა დასდ-
მა უკვდავი უ. შექსპირის ტრაგედია „ოტელო“.
შეისამ სუსტად ჩაიარა. ჩვენ ვერა ვნახეთ შექს-
პირის სრული ნაწარმოები, ჩაუვალავს ჩვენმა მსა-
ხიობებმა დიდებულ დრამატურგის შემოქმედება.
გამონაკლისს მხოლოდ ალ. იმედაშვილი შეად-
გენდა. მხოლოდ ეს მსახიობი დაუხლოვდა ცო-
ტად თუ ბევრად შექსპირის უმთავრეს გმირს.
შისი ოტელო, ჩვენის აზრით, დიდი ხნის შეს-
წავლის და მომზადების ნაყოფია. ჯერ ყოველის
უზიარებლად საუბრადღებოა ის, რომ მსახიობი
შეგნებით თამაშობს როლს და ოტელოს პირობ-
ებაც შეუსისხლხორცობს. ყოველი ნაბიჯი, მიხე-
რა-მოხერა აწინილ-დაწინილი აქვს. ამას გარდა
ალ. იმედაშვილს ამისთანა მგზნებარე ტენსიი,
ტემპერამენტი ჯერ არც ერთ ტიპის დახასიათე-
ბაში არ გამოუჩენია. ჩვენ თვალწინ იგი პირდა-
პირ კარდაიქმნა და ნიჭიერ ხელფანად გვანჩე-
ნა თავისი თავი. მხოლოდ ეს კია, რომ მისი
ოტელო ჯერ მანინ სრული არ არის. მსახიობს
დალატობს კვლავ ზღასტიკა შეიძლება ბევრს
გტონოს, ვითომ ვენციის მავრისათვის ზღასტი-
კა არ იყოს საჭირო, მაგრამ ჩვენის შესედელო-
ბით, როგორც ყოველ როლისთვის ისე „კაზ-
მულ ღაზანაკს მოკლებულ“ ოტელოსთვის თავის
ერთგვარი ზღასტიკა აუცილებელია. იმასაც ნუ
ვივიწყებთ, რომ სცენა ხელფანებსა და ხელფ-
ანებს, როგორც ვიცით, ცხოვრებაზე დაშორებუ-
ლია. ის რაც ცხოვრებაში ბუნებრივია, იმ სახით
კადმოტანს ხელფანებაში, ყოველად შეუძლებელია.
ამისთვის საჭიროა თვით ხელფანების პირობებს,
შის მოთხრობილებას გავუწიოთ ანგარიში და მი-
სი დანიშნულება ისე დაგაკმაყოფილოთ. მით
უფრო მხედველობაში უნდა ვიქონიოთ სცენა,
სადაც ხელფანებს უფრო ღამაზია, ნაზი და მეტ
სათუთს მოითხოვს. აქ ცხოვრება ისე უნდა იყოს
კადმოცემული, რომ იგი თვალში არ გვეტყოს თა-

ვისი სიტუანქით. არ უნდა იყოს იგი მტყუნე-
ვი და დამახინჯებული სურათი. ხელფანების ერთ-
ერთაგანი დამახასიათებელი იარაღი არის ზღასტი-
კა. ალ. იმედაშვილის კადმოცემაში ჩაინრდილას
მშვენიერი ადგილები, სადაც მხოლოდ მშვენიერ
ზღასტიკას შეეძლო დაენახვების ტრაგედიის სი-
ღამაზე, სიმშვენიერე, ოტელოს სულის კვეთება.
მაგალითად მ მოქმედებაში მონალოგს: „მშვიდო-
ბით, სპანო ჯილოსანო, დიდო ბრძოლანო,
თავ-მოყვარების სათნოებად გარდამქცეველ-
ნო!“ და უკანასკნელ მოქმედების მონალოგს:
„აი, მიზეზი, სულო ჩემო, აი მიზეზი!“ დრ-
მატიულ განცდა-ემოციას სათანადო ზღასტიკაც
უნდა დაჭყვეს ზედა, რაიც მათურებელში, თუ
კარგა იქმნა შესრულებული, უზომო სიამოვნებას
და ესთეტიურ სიტკბობებს გამოაწვევს. ამისთან-
ა ადგილები ბევრია როლში, მაგრამ მსახიობმა
სრულიად ჩაუვალა!

შეინროლდი ამობს: საფინი ოტელოს შე-
სრულებით გასაცნარ განცდასთან ერთად გვა-
ცობდა თავის გასაცნარ ზღასტიკითაცა! მაგ.
დავასახელებთ კიდევ რობერტ ადოლჭეიშს და
დალსკის. ვისაც ეს მსახიობნი უნახავთ ოტელოს
როლში, უკვლეია მათი ზღასტიკით გაცტეუ-
ლი იქნებოდნენ. მაგრამ ამის მიუხედავად ალ.
იმედაშვილის თამაშმა მანინ ძლიერ გვასიამოვნა
და კარგი შთაბეჭდილებაც მოახდინა საზოგადო-
ებაზე. განსაკუთრებით კარგი იყო მეორე და მე-
სამე მოქმედებებში, შესამჩნევად მოისურტებდა
მეოთხე და მეხუთე მოქმედებებში, თუმც უკანა-
სკნელის ფინალის სცენამ გამოაკეთა შთაბეჭდი-
ლება, მშვენივრად მოიკლა თავი და ჯეროვანი
შთაბეჭდილებაც დასტოვა. აღსანიშნავია მსახი-
ობის შკაფიო დიქცია.

იაგოს როლს თამაშობდა მ. კორიშელი. ამ
როლმა ჩვენს სცენაზე ვერ იპოვა დიკსეული
შემსრულებელი, ვერც ბ-მა კორიშელმა შესძლო
მასთან დაახლოვება. იაგოს ვერაგობის და გაი-
ძვერობის დახასიათებაში საჭიროა მეტად მძლა-
ვრი ხაზები. ამისთვის მსახიობს მდიდარი მიმი-
კა უნდა ჭქონდეს და კარგი მოქნილი ხმა, რომ
შესძლოს იაგოს ათას გვარის ინტონაციის და სა-
ხის მეტყველობის კადმოცემა. ძალაუნებურად მა-
გონდება შესანიშნავი ტრაგიკოსი რაფაელ ადელ-
ჭეიმი, რობერტის ძმა. საუცხოვო იაგო იყო. რა-

ღაცნაირ დემონიურ ძალით სასახიერება ამ ტიპს, თვითიუფ სიტყვას, იქ სადაც ოტელოს გულს ეჭვებს უნერგავს, როგორც ასპიტი გველი, ისე უსხამდა საშინელს გესლს. ეს მისახიობის მთელი იმპროვიზაცია იყო! რასაკვირველია ბ-ნი კორიშელი ამისთანა მხატვრულ კონცერტანტის ვერ შექმნიდა. ხვენ წინადაც გვქმნდა აღნიშნული და ესლაც ვიშეორებთ, რომ იაკოს რელი მისახიობისათვის შეუფერებლად მიგვაჩნია. ბ-ნი კორიშელი ჩვენი სტენისათვის ძალიან სასარგებლოა, საჭიროა მისახიობმა თავის რეპერტუარს მიაქციოს ყურადღება და თავისი სფერო შექმნას.

არ ვიცი თქ-ნ ქიქიძეს რად მისცეს დეზდემონას რელი, ან თითონ რად იკისრა ასეთი მძიმე ტვირთი. ასეთი სუსტი დეზდემონა ჩვენ ჯერ არ გვინახია. სრულიად გაქრა შექსპირის ქაეროვანი, მშვენიერი დეზდემონა. არა, ქ-ნ ქიქიძეს ეს რელი არ უნდა ეთამაშნა.

დანარჩენები მოისუსტებდნენ.

პიესა, როგორც სასაღხო სტენის დეკორაციებს შეეფერება, კარგა იყო დადგმული მხოლოდ რეჟისორ კ. ანდრონიკაშვილს მხედველობაში უნდა ქქონიყო უკანასკნელი სურათი. ასე სინათლის განაღება საწოდ ოთახში შეუძლებელია, ისიც, როცა დეზდემონა უკვე ღოგინში წევს. აქ საკმაოდ იყო დამის პატარა სანათი, სადაც ოთახი ბუნდავანი იქნებოდა და ერთგვარ მისტიურ ელფერს მისცემდა სურათს. ამას გარდა საჭიროა ბ-ნმა ანდრონიკაშვილმა მისახიობების გრიმებს მიაქციოს ყურადღება, თორემ არც ერთ მათგანს გრიმის გაკეთება არ სტოდნია.

სამწუხაროდ კიდევ უნდა აღვნიშნოთ ჩვენი საზოგადოების თავდაუქცევლობა. მაღლა ქანდაკაზე—უფირილი, დაბლა პარტურში—ხურჩული! მოდიოთ და თქვენ მოისმინეთ პიესა. იმ სადამოს ხომ წრეს იქით გადავიდა ზოგიერთების საქციელი. უკანასკნელ მოქმედებაში იძულებულნი გახდნენ შუაგულს წარმოდგენა შეეწვიონ. ფარდა ჩამოეშვეს, აღედგებოდა ბ-ნი ანდრონიკაშვილი გამოვიდა და გამოაცხადა, რომ ყოფლად შეუძლებელია წარმოდგენის მსვლელობა, თუ წესიერებას თვით საზოგადოება არ დაიცავს. მართლაც და ასაშფოთებელია ასეთი მოვლენა. უნდა ერთხელ და უკანასკნელად აილაგმნენ ეს ფაუბატონები, რომელნიც მთელ ქართველობას

მწიკვლს სცხობენ თავისი საქციელით. უნახოთ, სწორედ იმ სადამოს, ვინმე უცხო პირი დასწრებოდა ჩვენს წარმოდგენას, რა შთაბეჭდილებას გამოიტანდა?!.

ვ. გარჩიკი

**ქართული მუსიკა
(სიმღერა-გალობა)**

მისი ახლანდელი მდგომარეობა და განვითარება

(სახალხო სახლში 31 იანვარს წაკითხული ავტორის მ. კავსადის მიერ)

თ ა ვ ი კ ი რ ვ ი ლ ი

ა, მშობლიურ მუსიკის მნიშვნელობა, დაფასება და მისი გავლენა სხვაგან და ჩვენში; ბ, ქართულ სიმღერა-გალობის ახლანდელი მდგომარეობა; გ, ჩვენი სამღვდლოება და საეკლესიო გალობა; დ, ჩვენი პრესა და ქართული მუსიკა; ე, ქართველი მუსიკოს-კომპოზიტორნი, მათ-მიერ დამუშავებული სიმღერები, საგალობლები და ოპერები.

რუსეთში და საზღვარ გარეთ მშობლიურ მუსიკას, სასაღხო სიმღერა-გალობას პატივისცემით, საღისით ეპყრობიან და ემსახურებიან. დიდსა და პატარას იგი აუცილებელ დარგად აქვს დასახულ-მიდებული, როგორცათაც კეთილშობილური, ადამიანის გულისა და სულის დამამშვიდებელი, გონებრივად, ესთეტიურად და ზნეობრივად განმავითარებელი დარგი ხელფენებისა. სიმღერა-გალობას დიდი აღმზრდელობითი მნიშვნელობა აქვს, ნამეტნავად ბავშვებისათვის. სიმღერა-გალობა ბავშვს დიდ სიამოვნებას, სიცოცხლეს, საღისსა და სიმხნევეს ქმნატებს, და არც ის დედ-მამანი მოსტუეუვდებიან ჩვენში, თუ თავიანთ შვილებს დაბადებიდანვე რჩინინათი და მშობლიურ ქნაგების ზეკავლენით აღზრდიან: ყოველი ბავშვი, რომელიც აღიზარდება თავისი ერის სიმღერა-გალობით, მუდამ თავის თავს იტნობს, შეიგნებს და შეიფარებს თავისს მშობელ კეკას, შეისწავლის წარსულს და მომავალზე იფიქრებს!

საერთოდ მუსიკას და კერძოდ კი მშობლიურ სიმღერა-გალობას ასეთი ნაყოფიერი გავლენა აქვს არა თუ ადამიანზე, არამედ პირუტყვზედაც კი. მრავალ შეცნირების და დიდებულ კომპოზიტორ-მუსიკოსის მიერ დამტკიცებულია,

მუსიკა როგორ იმეორებს ნადირ-ცხველს. და, ამიტომაც ამ ხელფანების დარგს შეგნებული და განვითარებული ერები მადლა აყენებენ და დიდ მნიშვნელობასაც აძლევენ.

ჩვენში კი, სამწუხაროდ, ჯერჯერობით არ არის ასე!..

უველამ უწყის რა დღეშიც იმეორება დღეს ქართული ენა და, თუ კარგად ჩაუყვირდებით, უარესს დღეშია ჩვენი მუსიკა, სიმღერა-გალობა.


სიმღერა-გალობის საქმე რამდენათაც სხვა კულტურულ ერებში, მაგ. იტალიასა, ფინლანდიასა, ჩეხიასა, უკრაინასა და რუსებშიც კი განვითარებულია და ფასი აქვს, იმდენად ჩვენში დანდობილია, და შეიძლება თავისუფლად ითქვას, — „ახუნად არის აგებული“, — ეგრედწოდებულ ჩვენი ქართულ „მონტელიგენტ“ და უფრო არის ტოკრატული, მოწინავე წრეების მიერ. ბევრს არაფითარი წარმოდგენაც კი არა აქვს, რა ნაყოფის მოტანა შეიძლება ხალხის ცხოვრებაში მშობლიურ მუსიკის წყალობით. თითქმის უველგან გამოდგენილი ქართული სიმღერა-გალობა, მეტ სანად და ბარგად მიგვაჩნია; ასე გასინჯეთ, ვერც ერთ საზოგადოებას ჩვენში, ვერც ერთ მოღვაწეს, ქველმოქმედს, კერძო, სასულიერო, ან საერო შირს ვერ დაფასებულან, რომ ამ მეტად სიმშატიურ და წმინდა საქმისთვის თავი გამოეცდოს, ან გროში შეეწიროს, მზრუნველობა, ან უბრალო დახმარება გაეწიოს (ნუ დაგვიწყდებათ კი, რომ ყოველ ნაბიჯზე სიმღერა-გალობის მოთხოვნილებას!) და ვინც კი რამე გაიმეტა, ფრად უმნიშვნელო და ისიც უსარგებლოდ, რომლის ანტარიშიც კი არ მოითხოვს, არ იკითხა: ვის მისცა, რათა, რისთვის, რას და როგორ მოხმარდა: ქართულ მუსიკის აღორძინებას თუ ჩინურისას?..

მ. კავსაძე

(გაგრძელება იქნება)

რედუქციის აგან

„თეატრი და სპორტობის“ წლიურ ხელის მომწერთ ვსთხოვთ, ფულის გამოგზავნა დააჩქარონ. **მინც ხვედრ ფულს არ გამოგზავნის, მომავალი ნომერი აღარ გამოგზავნება.** ფული უნდა შემოიტანონ „სპორტობის“ სტამბის კანტორაში (მალათოვის კუნძულზე, № 1), ფოსტით: Тифлись, ред. „Театри და სპორტობა“
Иос. Имедашвили.



ლაგოდების საპოლკო დარბაზში, კვირას 28/II, სონ. ნარეკლიშვილისა და ან. პეტრიაშვილის მეთაურობით პატარა ბავშვებმა გამართეს საბავშვო წარმოდგენა — საღამო სამ განყ. I განყ. წარმოდგინეს სცენა დ. კობალის „აკაკის საფლავზე“ და ე. გაბაშვილის „ფრთებ დაგლეჯილი“. ბავშვებმა პიესები კარგად ჩაატარეს. ყველანი კარგად ასრულებდნენ თავთავის როლებს. მონაწილეობას იღებდნენ: გ. ყანჩაშვილი, ს. ყორღანაშვილი, ვარო. ყანჩაშვილი, თამ. გედევანოვი, ვერ. ლენაშვილი, ნად. ჯანაშვილი, ლიდა ჩიკვაძე, ნინა თარალაშვილი, ანეტა დონჯაშვილი, ვარ. ბარდაშვილი, ვარ. მათიაშვილი, მარ. ნარეკლიშვილი; II განყ. წაიკითხეს ლექსები, III განყ. ითამაშეს ლეკური. ხალხი ნასიამოვნები დაიშალა.

აღსანიშნავია რომ ამ პატარა ბავშვებმა თავისით განიზრახეს ამ წარმოდგენა-საღამოს მოწყობა საქველმოქმედო მიზნით: „ძია, რასაც ფულს ავიღებთ სამკითხველს უნდა შევსწიროთ“-ო. პატარებმა მოისურვეს თვისი წვლილის შეტანა ამ საგანმანათლებლო ტაძარში და კიდევ შესწარეს სამკითხველს წარმოდგენაზე შემოსული 15 მ. 25 კ. ეს სიმშატიური საქციელი ჯერ კიდევ პატარა ბავშვების თვით განვითარების ნიშანია და მისაბაძი მაგალითი (უმრავლესობა სამრევლო სასწავლებლის მოწაფენია, ზოგი სახლში წერაკითხვა ნასწავლი.)

უსურვებ პატარა ქალებს სიცოცხლეს და ბედნიერებას ასეთი კეთილი მიზნის განზრახვა-შესრულებისათვის.

—გერო—

აშლაბრის წარ. მართ. გამგეობამ კვირას, 20 მარტს წარმოდგინა შექსპირის ნ მოქ. ტრ. „ოტელო“. ოტელოს როლი მშვენიერად შეასრულა ალ. იმედაშვილმა, მიუხედავად იმისა, რომ შეუფერებელ პირობებში თამაშობდა. ქ. ქიქოძე (დენდემონა) მოიუფერულვდა, დანარჩენნი მეტისმეტად მოისუსტებდნენ და თითქოს რაღაც შიშით იყვნენ შეპყრობილნი. კარგი იქნება წარმოდგენა ადრე დაიწყონ და ადრეც გაათავონ ხოლმე. ანტრაქტების გაჭიანურებაც არ არის სასურველი. უსუფთობას და დაბნულ ჰაერს გაწმენდასაც ყურადღება უნდა მიექცეს. ხალხი საკმაოდ დაესწრო. გამგეობა პატივსაცემია, რომ ასეთ სერიოზულ პიესებს სდგავს, ხოლო ემჯობინება თუ უკეთეს პირობებში მოათავებს მსახიობთა და მკურნებელთ.

გე—ლი

რედუქტორ-გამომცემელი ანნა იმედაშვილისა

უკვე იბეჭდება
ვეელასათვის საჭირო და სასარგებლო წიგნი

უცხო სიძუპათა
სრული ლექსიკონი

ანუ ქართულს ენაში შემოსულ უცხო სიტყვათა ახსნა-განმარტება

შედგენილი იოსებ იმედაშვილის მიერ

მეორედ შეესებულ-შესწორებული (პირველ გამოცემაზე ბევრად ვადიდებუ-
ლი). წიგნი ახსნილ-განმარტებულია სამოც ათასამდე (60000), უცხო ენათა
გან (ფრანგულ, ინგლისურ, ლათინურ და სხ.) შემოსული, სიტყვა და ანდაზა
წიგნი შეიცავს ათას ექვსას სვეტამდე, მოზრდილი ზომისაა, აწყობილი იქნება
ახალი კორპუსის მთავრული და ჩვეულებმრივი ასოთი, ჩასმული ინგლისურ საუ-
კეთესო კალენკორის ყდაში, მოოქოვილ-მოვარაყებულ ასო არშიებით შემკუ-
ლი. ვინც ისურვებს, წიგნზე დაიბეჭდება მისი სახელგვარის პირველი ასოები.

ხელისმომწერთათვის გაგზავნით ღირს ორი (2) მანათი (ფულის გადახდა
შელავათითაც შეიძლება: ხელის მოწერის დროს 1 მან., დანარჩენიც—წიგნი
გამოსვლის ყამს ახალ ხელისმომწერთათვის 2 მან. 50 კაა.

ხელის მოწერა მიიღება: ურ. „თეატრი და ცხოვრების“ რედაქციაში
„სორაპანი“-ს სტამბაში). ფოსტით: Тифлисъ. Ред. „Театри да Цховреба
Иос. Имедашвили.

1916 მიწაღება ხელის მოწერა 1916

ყოველკვირეული სათეატრო, სალიტერატურო, სახელოვნო-სამხატვრო, საზოგადოებ-
რივ შინაარის სურათმზიანი ურნალი იშმორისტული განყოფილებით, შარუებით და
კარიკატურებით

წლიწადი „თეატრი და ცხოვრება“ წლიწად
მართხა წლიწადი გამოსვლისა მართხა
1916 წელსაც გამოვა

ჩვეულებრივი სრული პროგრამით, უკვე ცნობილი რედაქციით, სახელმძხვებელ და ახალ-
გაზრდა მწერალთა მონაწილეობით.

ურნალი პარტიათა გარეშეა, პროგრესული მიმართულებისა
ურნალში ხუთსამდე სურათი დაიბეჭდება

ფასი: წლიურად ისევ 5 მ., ნახევ. წლით—3 მ. ფულის შემოტანა ნაწილ-ნაწილადაც შე-
იძლება. ხელის მოწერის დროს—2 მ. მისში—2 მ. ენკენისთვის 1 მ. ვინც მთელი წლის
გადასახადს ამ თავითვე შემოიტანს, ამა ქრისტეშობისთვის ნომრებიც გაეგზავნება.

ხელის მოწერა მიიღება „სორაპანის“ სტამბაში (მდათოვის კუნძ. № 1, ვორონცოვის
პატარა ხიდის ყურში, მუხრან-ბატონის სახ.) იოსებ იმედაშვილთან დილით 9—2 ს. საღ.
5—7 ს. ფოსტით: Тифлисъ, ред. „Театри да Цховреба“—Иос. Имедашвили.
ტელეფონი № 15—41. რედაქტორ-გამომცემელი ანა იმედაშვილი

ავლაბარი. თეატრი „პალასი.“

საგაზაფხულო სეზონი
წარმოდგენა № 2.

ეროვნული
გიგლიოთეკა

შაბათს, 26 მარტს, ავლაბრ. ქართ. სახ. წარმ. მმართვე. წრის მიერ წარმოდგენილი იქნება:

ა. ცაგარლის ცნობილი კომედია

რას გინახავს ველარ ნახავს

დასაწყისი სწორედ საღამოს 8 $\frac{1}{2}$ საათზე.
ადგილების ფასი 30 კ. - დან 1 მ. 50 კ მდე.
რადგანაც ზოგიერთნი მოტყუებით ხელზე ჭეი-
დაინ ბილეთებს, ამიტომ პატივცემულ საზოგადო-
ების საუკუნადეობად ვაცხადებთ, რომ ჩვენი წარ-
მოდგენის ბილეთები გაიყიდება მხოლოდ თეატ-
რის კასაში.
რეჟ. ალ. წუწუნაძე. მორ. გამგე ა. თავდგირიძე

„ახალი კლუბი“

ერთი ძვირის პროგრამა 27 მარტ. — 3 აპრ.

ძვირა — ქართ. ფილარ. საზოგ. საბავშვო დილა

ორშაბათი — სინემატოგრაფი, სიმებიანი ორკ.

სამშაბათი — საოჯახო საღამო.

ოთხშაბათი — სინემატოგრაფი, სიმებიანი ორ.

ხუთშაბ. — ქართული წარმოდგენა (უფასოდ);

პარასკ. სინემატოგრაფი. ორკესტრი.

დასაწყისი: კონცერტებისა საღამ. 9 საათ.,

წარმოდგენისა და სინემატოგრ. საღ. 8 ს.

შესასვლელი ფასი ჩვეულებრივია, მხოლოდ
სამშაბათს და შაბათს იხდინა: მანდილოს-
ნები და სტუდენტები (ფორმაში) 65 კ.
მამაკაცები 1—05 კ.

სახალხო სახლი

სამშაბათს, 29 მარტს ქართ. დრამ. საზ-ის დასის მიერ
წარმოდგენილი იქნება:

დ ა ლ ა ს ი

დრ. ნ მოქ. ა. სუმბათაშვი. თარგ. გ. ყიფშიძისა
ზეინაბი — ნინო დავითაშვილი.

მონაწილეები: ქანი: ქიქოძე, ბეჟანიშვილი,
ბ-ნი ვ., გუნია, გომელაური ზ., თარალაშვილი ი.,
კორიშელი პ., იმედაშვილი ა., იშხნელი გ., მამფორია
ი., ეივიძე ი. სარაული მ., ვარგარიძე ვ., ჩაგუნაძე ნ.
ადგილების ფასი 15 კ. — 1 მან. 50 კ-დე.

დასაწყისი საღამოს 8 საათზე.

რეჟისორი ანდრონიკაშვილი

სცენის მოყვარე-მუშაკთა საყურადღებოდ:

И. Т. Полумордвиновъ.

Списокъ пьесъ

На грузинскомъ языкѣ,

разрѣш. къ представл. на сцен. Кавк. Края. ц. Офиол.

Тифлисъ Цензурный Комитетъ

Донзволено Военной Цензурой съгласно „ორაპან“

სახალხო სახლი

დილით ხარამობას, 25 მარტს. დილით
2 შეერთებული გუნდი

კავსადის ლოტბარობით

დიდ კონსერტს

ბილეთების ფასები 15 კ. - დან 1 მ. 50 კ. დე;
ბილეთები იყიდება თეატრის კასაში დილის
12—2 ს. საღ. 6—8 ს. დილის 12 საათზე.

მორიგი წვევრნი გამგეობისა: ი. ქარსელაძე,
გ. პეტრიაშვილი და ი. დემეტრაშვილი.

ნაქალაქის თეატრი

კვირას, 27 მარტს, 1916 წ.

ნაძალადევის სცენის მოყვარეთა მიერ წარმ. იქნება:

დამარცხებულნი

დრამა 5 მოქ. პ. ირეთელისა

მონაწილეობენ: ქანი: ბერძნიშვილი, ს. გო-
გაშვილისა, ქ. კამკამიძე; ბ-ნი: გ. გელიკურა-
შვილი, ვაზინაშვილი, კულუხაშვილი, სვანიძე,
ს. გოგაშვილი, ძაძამია, ლაღოშვილი, კაცი-
ტაძე, შავიშვილი და სხ.

ადგილების ფასი: 20—40 კ. დასაწყ. საღ. 8 ს.
მორ. გამგე ი. სუხიშვილი. რეჟ. ს. გოგაშვილი.

ავლაბრის თეატრ-„პალასი“

ადგომის ორშაბათს, 11 აპრილს

სცენის მოყვარეთა მიერ წარმოდგენილი იქნე-
ბა პირველად ქართ. სცენაზე ცნობ. ოპერეტკა

„არშინ მალ-ალან“

4 მოქ. უზერ ბეგ ვაჯიმბეგოვისა, თარგ. ვანო
გიგაშვილისა. საზანდარი მეთარე ალესკერო-
ვის მონაწილეობით.

ბილეთები თეატრის კასაში იყიდება.

რეჟ. ალესკეროვი. გამგე ვ. გოგაშვილი.